

初真戒後序

戒律之義備於道藏久矣自北七真出龍門一派崇尚清靜端守戒規所以爲初學之子澄心遣欲者法誠善竊慨道風中弛規條蕩佚方外之士咸以飄笠逍遙不加檢束

崑陽王先生崛起身任其事海內黃冠始知有

清都玉律矣先生攝靜於金陵之隱仙庵受四方迎請爲闡揚斯義僕棲拙鬱岡時得侍先生几杖蒙教言不棄與先生諸弟子遊每述先生內養之道精通祖訣只以傳戒設教故秘而不談誠有見於學仙之事非塵界不德之子所易希冀惟恪奉戒規磋磨凡骨此卽築基鍊己之要道也先生不久卽欲歸隱名山以遂還返初志憫學者歧路而弗忍遽棄人間也故有諸名山傳戒之遊凡受戒者毋徒以巾裾儼然不悟性命微旨以負先生之慈寶也哉

道藏輯要

初真戒

空

張集七
川上上

鬱岡居士簞重光拜撰